

ДЕВЯТЫЙ ЧАС

Приидите, поклонимся (трижды, и поклоны три).

[Псалом 83.](#)

[Псалом 84.](#)

[Псалом 85.](#)

Слава, и ныне. Аллилуия (трижды). Господи помилуй (трижды). Тропарь по уставу.

Аще ли же пост, глаголем сии тропарь, глас 8: Иже в девятый час, нас ради плотию смерть вкусивый, умертви плоти наша мудрование, Христэ Бóже, и спаси нас.

Стих 1: Да приблизится молитва моя пред Тя Гóсподи, по словеси Твоему вразуми мя.

Стих 2: Да внидет прошение мое пред Тя Гóсподи, по словеси Твоему избáви мя.

Слава, и ныне. Иже нас ради рождéися от Дéвы, и распя́тие претерпéв Благи́и, испровéргии смéртию смерть, и воскресéние явль я́ко Бог, не прэзри их же созда́ руко́ю Своёю, яви́ человеколю́бие Своё Мило́стиве, приими́ рóждьшую Тя Богорóдицу, моля́щуся занý, и спаси́, Спа́се наш, лю́ди согрéшьшия.

Аще ли пост, бывает чтение. Таже: Не преда́ждь нас до конца́, и́мене Твоего́ ради, и не разори́ заветá Твоего́, и не отста́ви мило́сти Твоея́ от нас, Авраа́ма ради возлю́бленнаго от Тебе́, и за Исаа́ка раба́ Твоего́, и Изра́иля свята́го Твоего́. **Таже, Трисвятое. И по Отче наш, кондак дню, или святому.**

Аще ли же пост, глаголем тропари сия, глас 8. Ви́дя разбо́йник Нача́льника жи́зни на Кресте́ ви́сяща, и глаго́лаше: а́ще небы́ Бог был вопло́щся, Иже с на́ми распны́ися, небы́ со́лнце лучи́ свой потайло, ниже́ земля́ трепещу́щи трясла́ся, но Иже за вся терпя́и, помяни́ мя Спа́се, егда́ приидеши во ца́рствии Си.

Слава Посреди́ двою́ разбо́йнику ме́рило пра́ведное обрéтесе́ Крест Твой: о́вому́ ўбо низходя́щу во ад тягото́ю хуле́ния, друго́му же легча́щуся от грех к ра́зуму богосло́вия. Христэ́ Боже, сла́ва Тебе́.

И ныне. Агньца и па́стыря и Спа́са ми́ру, на Кресте́ зря́щи рóждьшая Тя, глаго́лаше слезя́ щи: мир ўбо ра́дуется, прие́мля Тобо́ю избавле́ние, утроба́ же Моя́ горит, зря́щи Твое́ распя́тие, е́же за всех терпя́иши, Сы́не

и Бóже мой. Таже, Господи помилуй (40). Иже на всяко время. Господи помилуй (трижды). Слава, и ныне. Честнейшую херувим. Именем Господним благослови, отче. За молитв святых отец наших. Аминь. И сотворяем три великия поклоны, со обычною молитвою: Господи и Владыко животу моему. И прочих метаний (12). Посем молитва. Владыко Боже, Отче Вседержителю.

Аще ли великий пост, и мы по поклонех молитвы: Владыко Боже, Отче, не глаголем, но поем на оба лика: Во царствии Си.

Аще ли кроме поста, глаголем молитву сию:

Владыко, Гóсподи Исúсе Христé, Бóже наш, долготерпеливе о наших согрешéниях, да́же и до ны́нешняго часа́ приве́ди нас, во́ньже на животворящем дрéве ви́ся, благоразúмному разбóйнику, Иже в рай путь сотвори́л еси́ вход, и смéртию смéрть разруши́л еси́, очисти нас грéшных, и недостóйных раб Твои́х. Согреши́хом бо и беззакóнновахом, и нéсмы достóйни возвести́ о́чию на́шею, и возрéти на высоту́ небéсную, занé же оста́вихом путь прáвды Твоея́, и ходи́хом в во́лях серде́ц на́ших, но мо́лим Твою́ бла́гость: пощади́ нас Гóсподи, по мно́жеству ми́лости Твоея́, и спаси́ нас и́мене Твоего́ ра́ди свята́го, я́ко исчезо́ша в суетé дни́е на́ши. Изми́ нас из руки́ сопроти́внаго, и оста́ви нам прегрешéния на́ша, и умертви́ плотское́ на́ше мудрова́ние, да ветхаго отложивше челове́ка, и в но́ваго облеще́мся, и Тебе́ поживе́м, на́шему Влады́це и Благода́телю, и та́ко Твои́м повелéнием послéдующе, в вéчный поко́й дости́гнем, иде́же есть всем веселя́щимся жили́ще. Ты бо еси́ вои́стину и́стинное весéлие, и ра́дость любя́щим Тя, Христé Бóже наш, и Тебе́ сла́ву возсыла́ем, со безнача́льным Ти Отце́м, и с Пресвяты́м и Благо́м и Животворя́щим Ти Ду́хом, ны́не и при́сно и во́ веки веко́м, ами́нь.